

(կազմված է «11» հունվար 2021թ. և բաղկացած է 12 թերթից)
Տպագրված է ընդհամենը 3 օրինակ
Օրինակ 1

ՀԱՍՏԱՏՎԱԾ Է

Քրիստոնեա-ժողովրդավարական
կուսակցության «11» հունվար 2021թ.
հիմնադիր համագումարի որոշմամբ
(արձանագրություն թիվ_001)

Կուսակցության նախագահ
Լևոն Շիրինյան



ԳԱՐԱՆՑՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

26.02.2021

Գրանցման համարը՝ 211/172.1/65/48

ՀՎՀՀ՝ 00495599



**ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
ԿԱՆՈՆԱԴՐՈՒԹՅՈՒՆ**

1. ԸՆԴՀԱՆՈՒՐ ԴՐՈՒՅԹՆԵՐ

ՔՐԻՍՏՈՆԵԱ-ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹՅՈՒՆԸ (այսուհետ՝ Կուսակցություն) Հայաստանի Հանրապետության քաղաքացիների կամավոր միավորում է, որի նպատակը հանրաքվեներին, պետական և տեղական ինքնակառավարման մարմինների ընտրություններին մասնակցելու և հասարակության ու պետության քաղաքական կյանքին մասնակցության այլ ձևերով ժողովրդի քաղաքական կամքի ձևավորմանն ու արտահայտմանը նպաստելն է:

Կուսակցության գործունեությունը հիմնվում է անդամության կամավորության, անդամների իրավահավասարության, սեռից, ռասայից, մաշկի գույնից, գույքային վիճակից, ծնունդից, հաշմանդամությունից, տարիքից կամ անձնական կամ սոցիալական բնույթի այլ հանգամանքներից կախված խտրականության արգելման, կուսակցության անկախության, ինքնակառավարման, կոլեգիալության, գործունեության թափանցիկության, հրապարակայնության և հաշվետվողականության սկզբունքների վրա:

Կուսակցությունը ինքնուրույն է որոշում իր ներքին կառուցվածքը, նպատակները, գործունեության ձևերն ու մեթոդները, կուսակցության մարմինների ձևավորման կարգը, որոնք չեն կարող հակասել ժողովրդավարական սկզբունքներին:

Կուսակցությունն իր առաքելությունն իրականացնում է Հայաստանի Հանրապետության Սահմանադրության, սահմանադրական օրենքների, օրենքների, ենթաօրենսդրական ակտերի, կուսակցության ծրագրի ու սույն կանոնադրության հիման վրա:

Կուսակցությունը գործում է իրավունքի գերակայության, բարոյականության, ժողովրդավարության, հավասարության, օրինականության, հրապարակայնության սկզբունքների հիման վրա, որի գործունեությունը միտված է Հայաստանի Հանրապետության գաղափարական բազմակարծության ապահովմանը, ժողովրդի քաղաքական կամքի ձևավորմանը և հասարակության քաղաքացիական գիտակցության բարձրացմանը:

Կուսակցությունը ՀՀ Սահմանադրության և օրենքների շրջանակներում, ժողովրդաիշխանության սկզբունքի հիման վրա՝ ժողովրդավարական ընտրությունների միջոցով ապահովում է իր անմիջական մասնակցությունը երկրի պետական կառավարմանը և տեղական ինքնակառավարման մարմիններում և այդ ճանապարհով մասնակցում է պետական իշխանության և տեղական ինքնակառավարման մարմինների ձևավորմանը և պետական քաղաքականության մշակմանն ու իրականացմանը:

Կուսակցության անվանումը՝

Հայերեն՝ Քրիստոնեա- ժողովրդավարական կուսակցություն (հապավումը՝ ՔԺԿ)

Ռուսերեն՝ Христианско-демократическая партия (հապավումը՝ ХДП)

Անգլերեն՝ Christian-Democratic Party (հապավումը՝ CDP)

Կուսակցությունն ունի խորհրդանիշ, ձևաթուղթ, կլոր կնիք, բանկային հաշիվներ, այդ թվում՝ արտաբժույթով:

ՔԺԿ խորհրդանիշի նկարագրություն - կարմիր, կապույտ, նարնջագույն գույներով աղավնի, դիմացը կապույտ գույնով մեծատառերով գրված ՔԺԿ (պատկերը կցվում է կանոնադրությանը):

Կուսակցության իրավաբանական հասցեն է՝ ՀՀ., ք. Երևան, Տիգրան Մեծ փողոց 49 շենք:

2. ԿՈՒՍԱԿՑՈՒԹՅԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

Կուսակցությունն իր գործունեության նպատակներ և խնդիրներ է հռչակում՝ Հայոց պետականության իմաստավորումը, վերակերտումը, զարգացումը, պետության հավաքական ներունակության բարձրացումը, ինչպես նաև ժողովրդի՝ բարձրագույն իշխանության իրավունքի փաստացի իրացումը:

Համամարդկային և ազգային արժեքների սինթեզի միջոցով Հայաստանի Հանրապետությունում իրավական և քաղաքացիական հասարակության կերտումը:

3. ԿՈՒՍԱԿՑՈՒԹՅԱՆ ԱՆԴԱՄԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1 Կուսակցությանը կարող են անդամակցել 18 տարին լրացած, ընտրական իրավունք ունեցող Հայաստանի Հանրապետության յուրաքանչյուր քաղաքացի, ով ընդունում է կուսակցության ծրագիրն ու կանոնադրությունը և չի հանդիսանում մեկ այլ կուսակցության հիմնադիր:

3.2 Կուսակցության հիմնադիր, ինչպես նաև անդամ չեն կարող լինել «Կուսակցությունների մասին» սահմանադրական օրենքով արգելված անձինք:

3.3 Կուսակցությանն անդամագրվում են կամավոր հիմունքներով և անհատական կարգով՝ համաձայն գործադիր կոմիտեի որոշման և երաշխավորության: Եթե ՀՀ Սահմանադրությամբ և օրենքներով կուսակցությանն անդամակցությունն անթույլատրելի է դառնում, այն կասեցվում է կուսակցության անդամի դիմումի հիման վրա՝ գործադիր կոմիտեի որոշմամբ:

3.4 Կուսակցության անդամն իրավունք ունի՝

3.4.1 Ընտրել և ընտրվել Կուսակցության ղեկավար և վերահսկողություն իրականացնող, ինչպես նաև ներկայացուցչական մարմիններում:

3.4.2 Տեղեկատվություն ստանալ Կուսակցության ու նրա ղեկավար մարմինների գործունեության վերաբերյալ, վերահսկողություն իրականացնել նրանց գործունեության նկատմամբ, ստանալ փաստաթղթերի պատճեններ՝ կուսակցության կանոնադրության փոփոխությունների, գույքի կառավարումից ստացած դրամական միջոցների վերաբերյալ, ինչպես նաև ստանալ Կուսակցության ֆինանսական հաշվետվությունների աուդիտն իրականացրած անկախ աուդիտորների եզրակացությունը:

3.4.3 Ներկա լինել Կուսակցության համագումարի նիստերին, ծանոթանալ Կուսակցության մարմինների արձանագրություններին, ստանալ նրանց ընդունած որոշումների պատճենները, Կուսակցության ղեկավար մարմինների քննարկմանը ներկայացնել հասարակական-քաղաքական կյանքի տարբեր հարցերի վերաբերյալ նախաձեռնություններ և առաջարկություններ:

3.4.4 Մասնակցել այն ժողովին կամ նիստին, որտեղ քննարկվում է նրա անձնական հարցը կամ առաջարկությունը, արտահայտել իր կարծիքը քննարկվող հարցերի վերաբերյալ:

3.4.5 Դուրս գալ կուսակցության շարքից իր դիմումի համաձայն:

3.4.6 Բողոքարկել կուսակցության ղեկավար մարմինների որոշումներն ու գործողությունները կուսակցության վերադաս մարմիններում:

3.4.7 Կասեցնել և վերականգնել իր անդամությունը կուսակցությանը:

3.4.8 Օգտվել օրենքով և սույն կանոնադրությամբ նախատեսված այլ իրավունքներից:

3.5 Կուսակցության անդամը պարտավոր է՝

3.5.1 Գործել կուսակցության կանոնադրության շրջանակներում:

3.5.2 Կատարել կուսակցության համագումարի, ղեկավար մարմինների որոշումները և ծրագրային դրույթները:

3.5.3 Կատարել օրենքով նախատեսված այլ պարտականություններ:

3.6 Կուսակցությանն անդամակցությունը դադարում է՝

3.6.1 համաձայն իր դիմումի՝ Կուսակցությունից դուրս գալու դեպքում,

3.6.2 Կուսակցությունից հեռացվելու դեպքում,

3.6.3 մահվան դեպքում,

3.6.4 Կուսակցության լուծարման դեպքում:

3.7 Կուսակցության անդամին խրախուսելու միջոցներն են՝

3.7.1 շնորհակալագիր, պատվոգիր, հուշամեդալ, հուշանվեր կամ դրամական պարգև,

3.7.2 կարգապահական տույժի հանելը:

3.8 Կուսակցության կանոնադրությամբ նախատեսված պարտականությունները կամ վերադաս մարմինների որոշումները չկատարելու դեպքում կուսակցության անդամը կարող է ենթարկվել կարգապահական պատասխանատվության՝

3.8.1 նկատողություն, խիստ նկատողություն, կուսակցությունից հեռացում:

3.9 Կուսակցության անդամներին՝ կարգապահական պատասխանատվության հարեցի վերաբերյալ որոշում է ընդունում Կուսակցության գործադիր կոմիտեն, կիրառում է գործադիր կոմիտեն:

4. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԸ

Կուսակցության բարձրագույն մարմինը Կուսակցության համագումարն է, Կուսակցության մշտապես գործող ղեկավար մարմինը Կուսակցության գործադիր կոմիտեն է: Կուսակցության մշտապես գործող ղեկավար մարմնի՝ գործադիր կոմիտեի ղեկավարն է նախագահը: Կուսակցության վերահսկողություն իրականացնող մարմինը վերստուգիչ հանձնաժողովն է: Կուսակցությունը կարող է ունենալ կառուցվածքային ստորաբաժանումներ, որոնց ձևավորման և լուծարման կարգը սահմանում է գործադիր կոմիտեն:

5. ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ

5.1 Կուսակցության համագումարը կուսակցության բարձրագույն մարմինն է, որի ընդունած որոշումները պարտադիր են կուսակցության բոլոր մարմիններին և

անդամների համար: Կուսակցության համագումարում ընտրված բոլոր մարմինները հաշվետու են Համագումարին:

5.2 Կուսակցության հերթական համագումարը հրավիրվում է Կուսակցության գործադիր կոմիտեի կողմից՝ երեք տարին մեկ անգամ:

5.3 Համագումարին անձամբ մասնակցում են Կուսակցության անդամները, ովքեր ունեն 1 ձայնի իրավունք, իսկ Կուսակցության անդամներից ընտրված պատվիրակների միջոցով մասնակցության դեպքում պատվիրակները առաջադրվում են գործադիր կոմիտեի կողմից: Կուսակցության անդամներից ընտրված պատվիրակների համամասնությունը սահմանվում է գործադիր կոմիտեի կողմից:

5.4 Համագումարն իրավագոր է, եթե համագումարին ներկա է Կուսակցության անդամների ընդհանուր թվի առնվազն կեսը, իսկ համագումարին պատվիրակների մասնակցության դեպքում՝ պատվիրակների ընդհանուր թվի առնվազն կեսը, բայց ոչ պակաս, քան 100 պատվիրակ:

5.5 Կուսակցության կանոնադրությունում և ծրագրում փոփոխություններ և լրացումներ կատարելու, ղեկավար և վերահսկողություն իրականացնող մարմինների ընտրության, մշտապես գործող ղեկավար մարմնի՝ գործադիր կոմիտեի ղեկավարի՝ նախագահի ընտրության, Կուսակցության վերակազմակերպման և լուծարման մասին որոշումներն ընդունվում են համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:

5.6 Արտահերթ Համագումարը հրավիրվում է գործադիր կոմիտեի որոշմամբ՝ կուսակցության նախագահի առաջարկությամբ և կուսակցության անդամների 1/5-ի նախաձեռնությամբ: Արտահերթ համագումար հրավիրելու որոշումը գործադիր կոմիտեն կայացնում է նրա անդամների ընդհանուր թվի ձայների մեծամասնությամբ:

Կուսակցության համագումարը՝

5.7 Լսում և հաստատում է Կուսակցության նախագահի հաշվետվությունն իր և գործադիր կոմիտեի գործունեության մասին:

5.8 Քննարկում և հաստատում է Կուսակցության ծրագիրը, կանոնադրությունը և դրանցում առաջարկվող փոփոխություններն ու լրացումները:

5.9 Ընտրում է Կուսակցության մշտապես գործող ղեկավար մարմնի՝ գործադիր կոմիտեի ղեկավար՝ նախագահ:

5.10 Ընտրում է կուսակցության գործադիր կոմիտե:

5.11 Որոշում է Կուսակցության ռազմավարական ուղին, կուսակցության նպատակների և խնդիրների իրագործման գործելակերպն ու իրականացման ուղղությունները:

5.12 Լսում և հաստատում է կուսակցության վերստուգիչ հանձնաժողովի հաշվետվությունը:

5.13 Որոշում է վերստուգիչ հանձնաժողովի անդամների թիվը և ընտրում Կուսակցության վերստուգիչ հանձնաժողով:

5.14 Հաստատում է Ազգային ժողովի հերթական ընտրություններում Կուսակցության ընտրական ցուցակում թեկնածուների՝ առնվազն առաջին երեք տասնյակին:

5.15 Որոշում է ընդունում կուսակցության վերակազմակերպման և լուծարման մասին:

6. ԿՈՒՍԱԿՑՈՒԹՅԱՆ ԳՈՐԾԱԴԻՐ ԿՈՄԻՏԵՆ

- 6.1 Կուսակցության մշտապես գործող ղեկավար մարմինը Կուսակցության գործադիր կոմիտեն է, որն ընտրվում է կուսակցության համագումարում՝ հերթական համագումարների միջև ընկած ժամանակահատվածով: Գործադիր կոմիտեն բաղկացած է 5 անդամից՝ ներառյալ Կուսակցության նախագահը: Գործադիր կոմիտեի անդամության թեկնածուներն առաջադրվում են Համագումարի անդամների կամ պատվիրակների կողմից՝ Կուսակցության կազմից:
- 6.2 Գործադիր կոմիտեի անդամների ընտրությունը կատարվում է գաղտնի քվեարկությամբ: Ընտրված են համարվում համագումարի ձայնի իրավունք ունեցող մասնակիցների առավել կողմ ձայներ ստացած թեկնածուները: Կուսակցության գործադիր կոմիտեն իր գործունեությունն իրականացնում է գործադիր կոմիտեի նիստերի, որոշումների ընդունման, դրանց և Կուսակցության համագումարի որոշումների կատարման միջոցով:
- 6.3 Կուսակցության գործադիր կոմիտեի նիստերը հրավիրվում են ամիսը մեկ անգամ: Կուսակցության նախագահի կամ գործադիր կոմիտեի անդամների 1/3-ի նախաձեռնությամբ կարող է հրավիրվել արտահերթ նիստ: Նիստն օրինական է, եթե ներկա է գործադիր կոմիտեի անդամների առնվազն 2/3-ը, որոշումները ընդունվում են անդամների ձայների մեծամասնությամբ:
- 6.4 Կուսակցության գործադիր կոմիտեն՝
- 6.4.1 Կազմակերպում, ղեկավարում և վերահսկում է Կուսակցության համագումարի որոշումների կատարման ընթացքը:
 - 6.4.2 Հաստատում է Կուսակցության տարեկան բյուջեն և հաստատված տարեկան բյուջեի հիման վրա հաստատում է կուսակցության ծախսերի նախահաշիվը:
 - 6.4.3 Կուսակցության անունից կնքում է քաղաքացիաիրավական գործարքներ:
 - 6.4.4 Հրավիրում է Կուսակցության հերթական համագումար և նախապատրաստում դրա անցկացումը:
 - 6.4.5 Որոշում է կայացնում համագումարի օրակարգի նախագիծը հաստատելու մասին:
 - 6.4.6 Որոշում է համագումարի գումարման օրը, պատվիրակների ընտրության կարգը, ընդհանուր թիվը:
 - 6.4.7 Հրավիրում է կուսակցության արտահերթ համագումար կուսակցության նախագահի առաջարկությամբ և կուսակցության անդամների 1/5 նախաձեռնությամբ:
 - 6.4.8 Փոփոխություններ է կատարում համագումարի կողմից Ազգային ժողովի ընտրությունների համար հաստատված ընտրական ցուցակներում, եթե համագումարի կողմից հաստատվելուց հետո ընտրական ցուցակում փոփոխություն կատարելու անհրաժեշտությունն առաջացել է Կուսակցության կամքից անկախ պատճառներով:
 - 6.4.9 Որոշում է կայացնում Կուսակցության լուծարման մասին, եթե համագումարն իրավագոր չի եղել:
 - 6.4.10 Հաստատում է Ազգային ժողովի հերթական ընտրություններում կուսակցության ընտրական ցուցակը թեկնածուների այն մասով, որոնց հաստատումը սույն կանոնադրությամբ վերապահված չէ համագումարին, ինչպես նաև հերթական և

արտահերթ ընտրություններում կուսակցությունների դաշինքի ընտրական ցուցակը:

- 6.4.11 Հավանություն է տալիս Ազգային ժողովում և կառավարությունում քաղաքական պաշտոններում նշանակման կամ ընտրության ներկայացվող Կուսակցության թեկնածուներին:
- 6.4.12 Քննարկում և հաստատում է Կուսակցության նախընտրական ծրագիրը:
- 6.4.13 Քննարկում և լուծում է Կուսակցության ընթացիկ գործունեությանն առնչվող խնդիրները:
- 6.4.14 Մշակում է կուսակցության գաղափարախոսական հիմնադրույթները, կանոնադրական, ծրագրային և կուսակցության ռազմավարությանն առնչվող փաստաթղթերի նախագծերը, ինչպես նաև կուսակցության մարտավարական սկզբունքները:
- 6.4.15 Որոշում է ընդունում տեղական ինքնակառավարման մարմինների ղեկավարների և համամասնական ընտրակարգով ընտրվող համայնքների ավագանիների ընտրություններում թեկնածուներ առաջադրելու մասին:
- 6.4.16 Որոշում է ընդունում Ազգային ժողովի և ինչպես նաև համայնքների՝ համամասնական ընտրակարգով անցկացվող ավագանու ընտրություններում միայնակ կամ դաշինքով մասնակցելու մասին:
- 6.4.17 Ընդունում է Կուսակցության ակտեր (որոշում, հանձնարարականներ, հրահանգ, հայտարարություն, ցուցում և այլն), բացառությամբ համագումարի իրավասությանը վերապահված ակտերի:
- 6.4.18 Անհրաժեշտության կամ բողոքարկման դեպքում կարող է վերանայել Կուսակցության կառույցների որոշումները:
- 6.4.19 Կուսակցության անունից անում է հայտարարություններ:
- 6.4.20 Համակարգում և հսկողություն է իրականացնում Կուսակցության լրատվամիջոցների և հրատարակչական ծառայությունների գործունեության նկատմամբ:
- 6.4.21 Որոշում է կայացնում Կուսակցության գործունեության բոլոր այն հարցերի վերաբերյալ, որոնք կանոնադրությամբ վերապահված չեն Կուսակցության համագումարի և նախագահի բացառիկ իրավասությանը:
- 6.4.22 Իրականացնում է Կուսակցության՝ որպես իրավաբանական անձի լիազորությունները, հաստատում է կուսակցության գույքի կառավարման կարգը:
- 6.4.23 Հաշվետու է համագումարին:
- 6.5 Կուսակցության գործադիր կոմիտեն հաստատում է Հայաստանի Հանրապետության Ազգային ժողովի և համամասնական ընտրակարգով ընտրվող համայնքների ավագանիների ընտրություններին կուսակցության ընտրական ցուցակների ձևավորման կարգը՝ համաձայն «Հայաստանի Հանրապետության ընտրական օրենսգիրք» սահմանադրական օրենքով ընտրական ցուցակներին ներկայացվող պահանջների: Ընտրական ցուցակների ձևավորման ժամանակ առնվազն հաշվի են առնվում կուսակցությունների անդամների, ինչպես նաև տարածքային ստորաբաժանումների ներկայացրած առաջարկությունները:
- Հայաստանի Հանրապետության Ազգային ժողովի և համամասնական ընտրակարգով ընտրվող համայնքների ավագանիների ընտրություններին կուսակցության ընտրական ցուցակները ձևավորվում են հետևյալ կարգով. Կուսակցությունը ձևավորում է թեկնածուների մեկ համապետական ընտրական ցուցակ, որի առաջին մասում

ընդգրկված թեկնածուներից կազմում է տարածքային ընտրական ցուցակներ: Քաղաքացին կարող է ընդգրկվել միայն մեկ տարածքային ընտրական ցուցակում: Կուսակցությունների դաշինքի համապետական ընտրական ցուցակը կազմվում է դաշինքում ընդգրկված կուսակցություններից յուրաքանչյուրի ներկայացրած համապետական ընտրական ցուցակից: Կուսակցությունների դաշինքում ընդգրկվելու վերաբերյալ կայացնում է որոշում և ընդգրկված կուսակցություններից յուրաքանչյուրի համապետական ընտրական ցուցակի առաջին մասում առաջին համարից սկսած՝ ցանկացած ամբողջ թվով եռյակներում (1-3, 1-6, 1-9 և այդպես շարունակ՝ մինչև ցուցակի ավարտը) յուրաքանչյուր սեռի ներկայացուցիչների թիվը չպետք է գերազանցի 70 տոկոսը: Կուսակցության (կուսակցությունների դաշինքի) համապետական ընտրական ցուցակի առաջին մասում ընդգրկվում է ոչ պակաս, քան 80, և ոչ ավելի, քան 300 թեկնածու: Կուսակցության (կուսակցությունների դաշինքի) համապետական ընտրական ցուցակի առաջին մասում կարող են ընդգրկվել նաև այդ կուսակցության (դաշինքի անդամ կուսակցություններից որևէ մեկի) անդամ չհանդիսացող անձինք, որոնց թիվը չի կարող գերազանցել համապետական ընտրական ցուցակի առաջին մասում ընդգրկված թեկնածուների ընդհանուր թվի 30 տոկոսը, պետական կառավարման և տեղական ինքնակառավարման մյուս մարմինների ընտրովի, ինչպես նաև քաղաքական կամ քաղաքացիական նշանակովի պաշտոններում ընտրվելու (նշանակվելու) նպատակով Կուսակցության կողմից առաջադրվող թեկնածությունները: Այս նիստին մասնակցում են կուսակցության տարածքային և կառուցվածքային ստորաբաժանումների բոլոր ղեկավարների առնվազն 1/3-ը: Կուսակցության (կուսակցությունների դաշինքի) տարածքային ընտրական ցուցակում կարող է ընդգրկվել առավելագույնը մեկ թեկնածու՝ ըստ ընտրողների ռեզիստի այդ ընտրական տարածքում ընդգրկված յուրաքանչյուր 15 000 քաղաքացու հաշվարկով, բայց ոչ պակաս, քան 5 թեկնածու: Կուսակցության (կուսակցությունների դաշինքի) տարածքային ընտրական ցուցակում յուրաքանչյուր սեռի ներկայացուցիչների թիվը չպետք է գերազանցի 70 տոկոսը: Ցուցակում նշվում են պատգամավորի թեկնածուների ազգանունները, անունները և հայրանունները՝ ըստ ազգանունների, իսկ դրանք համընկնելու դեպքում՝ ըստ անունների և հայրանունների, այբբենական հերթականությամբ: Ազգանունները, անունները և հայրանունները համընկնելու դեպքում նշվում է ծննդյան ամսաթիվը: Կուսակցությունների դաշինքից որևէ կուսակցության դուրս գալու դեպքում կուսակցությունների դաշինքի համապետական և տարածքային ընտրական ցուցակներից Կենտրոնական ընտրական հանձնաժողովի սահմանած կարգով հանվում են այդ կուսակցության համապետական ընտրական ցուցակով ներկայացրած պատգամավորի թեկնածուները:

Համամասնական ընտրակարգով ընտրվող համայնքների ավագանիների ընտրություններին Կուսակցությունն (կուսակցությունների դաշինք) իրավունք ունի առաջադրելու միայն մեկ ընտրական ցուցակ: Կուսակցությունների դաշինքում ընդգրկված կուսակցությունն իրավունք չունի իր անունից թեկնածուների առանձին ցուցակ առաջադրելու: Երևանի ավագանու ընտրության դեպքում կուսակցության (կուսակցությունների դաշինքի) ընտրական ցուցակում ընդգրկվում է առնվազն 25 թեկնածու, իսկ մնացած համայնքների ավագանիների ընտրությունների դեպքում՝ առնվազն 15 թեկնածու: Կուսակցության (կուսակցությունների դաշինքի) ընտրական ցուցակում ընդգրկված թեկնածուների թիվը չի կարող գերազանցել համայնքների ավագանիների անդամների մանդատների թվի համար «Հայաստանի

Հանրապետության ընտրական օրենսգիրք» սահմանադրական օրենքով սահմանված թվի եռապատիկը:

Կուսակցության (կուսակցությունների դաշինքի) և դաշինքում ընդգրկված կուսակցություններից յուրաքանչյուրի ընտրական ցուցակի 1-ին համարից սկսած՝ ցանկացած ամբողջ թվով եղյակներում (1-3, 1-6, 1-9 և այդպես շարունակ՝ մինչև ցուցակի ավարտը) յուրաքանչյուր սեռի ներկայացուցիչների թիվը չպետք է գերազանցի 70 տոկոսը: Կուսակցության (կուսակցությունների դաշինքի) ընտրական ցուցակում կարող են ընդգրկվել նաև կուսակցության (կուսակցությունների դաշինքի անդամ կուսակցություններից ոչ մեկի) անդամ չհանդիսացող անձինք, որոնց թիվը չի կարող գերազանցել այդ ընտրական ցուցակում ընդգրկված թեկնածուների ընդհանուր թվի 30 տոկոսը:

6.5 7. ԿՈՒՍԱԿՑՈՒԹՅԱՆ ՆԱԽԱԳԱՀԸ

- 7.1 Կուսակցության նախագահն ընտրվում է համագումարի կողմից հերթական համագումարների միջև ընկած ժամանակահատվածով՝ համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ: Կուսակցության նախագահի թեկնածություններն առաջադրվում են համագումարի մասնակիցների կողմից: Եթե առաջադրվել են մեկից ավելի թեկնածուներ, ապա գաղտնի քվեարկության արդյունքում ընտրված է համարվում համագումարի ձայնի իրավունք ունեցող մասնակիցների առավել ձայներ ստացած թեկնածուն:
- 7.2 Կուսակցության նախագահի բացակայության ժամանակահատվածում կուսակցության գործադիր կոմիտեի անդամներից մեկը կուսակցության նախագահի հանձնարարությամբ իրականացնում է կուսակցության նախագահի լիազորությունները:

Կուսակցության նախագահը՝

- 7.3 իրականացնում է Կուսակցության և գործադիր կոմիտեի ղեկավարումը,
- 7.4 ներկայացնում է Կուսակցության շահերը և դիրքորոշումը պետական և տեղական ինքնակառավարման մարմինների, հասարակական, քաղաքական և միջազգային կազմակերպությունների հետ ունեցած հարաբերություններում կամ այդ նպատակով լիազորում կուսակցության այլ անդամների,
- 7.5 հրավիրում է Կուսակցության գործադիր կոմիտեի նիստ,
- 7.6 հերթական համագումարի հրավիրումից մեկ ամիս առաջ հրավիրում է Կուսակցության գործադիր կոմիտեի նիստ, որում հաստատվում է համագումարի օրակարգի նախագիծը,
- 7.7 տնօրինում է կուսակցության գույքը և դրամական միջոցները,
- 7.8 բոլոր գործարքները կնքում է նախագահը՝ գործադիր կոմիտեի որոշմամբ,
- 7.9 Կուսակցության անունից՝ իր իրավասության սահմաններում ստորագրում է բոլոր անհրաժեշտ փաստաթղթերը,
- 7.10 հաստատում է օրենքով սահմանված կարգով ու ժամկետում պետական լիազոր մարմին ներկայացվող Կուսակցության ֆինանսական հաշվետվությունները,
- 7.11 յուրաքանչյուր տարի Հայաստանի Հանրապետության հրապարակային ծանուցումների պաշտոնական ինտերնետային կայքում հրապարակում է

Կուսակցության ֆինանսների և գույքի օգտագործման վերաբերյալ հաշվետվությունները,

- 7.12 իրականացնում է սույն կանոնադրությամբ և Կուսակցության համագումարի կողմից իրեն վերապահված այլ լիազորություններ: Կուսակցության պաշտոնական դիրքորոշումն է արտահայտում Կուսակցության նախագահը, ինչպես նաև գործադիր կոմիտեի անդամները՝ գործադիր կոմիտեի հետ համաձայնեցված:

8. ԿՈՒՍԱԿՑՈՒԹՅԱՆ ՎԵՐՍՏՈՒԳԻՉ ՀԱՆՁՆԱԺՈՂՈՎԸ

- 7.13 Կուսակցության ներքին վերահսկողությունն իրականացնելու, Կուսակցության մարմինների կողմից ՀՀ օրենսդրության, սույն կանոնադրության, ինչպես նաև համագումարի կայացրած որոշումների պատշաճ կատարումը վերահսկելու նպատակով համագումարի կողմից հերթական համագումարների միջև ընկած ժամանակահատվածով ընտրվում է վերստուգիչ հանձնաժողով, որը բաղկացած է 5 անդամից, որոնցից մեկը վերահսկիչ հանձնաժողովի ղեկավարն է:
- 7.14 Վերստուգիչ հանձնաժողովի անդամը չի կարող միաժամանակ լինել Կուսակցության գործադիր կոմիտեի ղեկավար:
- 7.15 Վերստուգիչ հանձնաժողովի անդամներն իրենց կազմից ընտրում են հանձնաժողովի նախագահ, որը ընտրվում է հանձնաժողովի անդամների ձայների մեծամասնությամբ:
- 7.16 Վերստուգիչ հանձնաժողովը հաշվետու է կուսակցության համագումարին:
- 7.17 Վերստուգիչ հանձնաժողովը որոշումներ է ընդունում, եթե հանձնաժողովի նիստին մասնակցել է հանձնաժողովի անդամների կոսից ավելին, որոշումներն ընդունվում են հանձնաժողովի անդամների ձայների մեծամասնությամբ:
- Վերստուգիչ հանձնաժողով՝
- 7.18 վերահսկողություն է իրականացնում Կուսակցության ընդհանուր և ֆինանսատնտեսական գործունեության նկատմամբ:
- 7.19 վերահսկում է Կուսակցության դրամական միջոցների ձևավորման և ծախսման գործընթացները:
- 7.20 Ստուգում է դրամական միջոցների մուտքերի և ելքերի օրինականությունը:
- 7.21 վերահսկում է Կուսակցության գույքի տնօրինման, տիրապետման և օգտագործման գործընթացները:
- 7.22 Ստուգում է Կուսակցության գույքի հետ կապված գործընթացները:

9. ԿՈՒՍԱԿՑՈՒԹՅԱՆ ՍԵՓԱԿԱՆՈՒԹՅՈՒՆԸ ԵՎ ԴՐԱՄԱԿԱՆ ՄԻՋՈՑՆԵՐԸ

9.1 Կուսակցության կողմից ստացված, ինչպես նաև սեփական միջոցների հաշվին ստեղծված և ձեռքբերված գույքի սեփականատերը Կուսակցությունն է:

9.2 Կուսակցության գույքը գոյանում է «Կուսակցությունների մասին» սահմանադրական օրենքի 24-րդ հոդվածով նախատեսված նվիրատվություններից և 26-րդ հոդվածով նախատեսված կարգով բյուջետային ֆինանսավորումից և նույն օրենքով սահմանված գործունեությունից ստացված եկամուտներից, ինչպես նաև օրենսդրությամբ չարգելված այլ մուտքերից:

9.3 Կուսակցության գույքը և դրամական միջոցները տնօրինում է Կուսակցության նախագահը՝ գործադիր կոմիտեի համաձայնությամբ, կամ գործադիր կոմիտեի կողմից լիազորվելու դեպքում կարող է տնօրինել գործադիր կոմիտեի անդամներից մեկը՝ ըստ Կուսակցության գործադիր կոմիտեի կողմից հաստատած նախահաշվի և կարգի:

10. ԿՈՒՍԱԿՑՈՒԹՅԱՆ ՎԵՐԱԿԱԶՄԱԿԵՐՊՄԱՆ ԵՎ ԼՈՒԾԱՐՄԱՆ ԿԱՐԳԸ

10.1 Կուսակցության վերակազմակերպման դեպքում նրա իրավունքներն ու պարտականությունները բաշխվում են Հայաստանի հանրապետության քաղաքացիական օրենսգրքին համապատասխան:

10.2 Կուսակցության վերակազմակերպման նախաձեռնությամբ կարող է հանդես գալ Կուսակցության գործադիր կոմիտեն կամ Կուսակցության անդամների կամ պատվիրակների առնվազն 1/3-ը՝ գրավոր պահանջով:

10.3 Կուսակցության վերակազմակերպման և լուծարման մասին որոշումն ընդունվում է Կուսակցության համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:

10.4 Կուսակցությունը լուծարվում է Հայաստանի Հանրապետության քաղաքացիական օրենսգրքով և օրենքով սահմանված կարգով: Կուսակցության լուծարման դեպքում պարտատերերի պահանջները բավարարելուց հետո կուսակցության գույքը տնօրինվում է ՀՀ օրենսդրությամբ սահմանված կարգով: Կուսակցության դատական կարգով լուծարումից հետո մնացած գույքը փոխանցվում է Հայաստանի Հանրապետությանը:

10.5 Եթե կուսակցության լուծարման համար հրավիրված համագումարն իրավագոր չէ, ապա կուսակցության լուծարման մասին որոշումն ընդունում է կուսակցության մշտապես գործող ղեկավար մարմինը՝ գործադիր կոմիտեն: Իսկ կուսակցության գործադիր կոմիտեի իրավագոր չլինելու դեպքում կուսակցությունը լուծարվում է կուսակցության հիմնադիրներից մեկի որոշմամբ: Այս դեպքում կուսակցության լուծարման մասին որոշումը համարվում է ընդունված, եթե որոշումը կայացնելու օրվանից հետո՝ երեք ամսվա ընթացքում, կուսակցության համագումարը կամ մշտապես գործող ղեկավար մարմինը այլ որոշում չի կայացրել:

10.6 Կուսակցության գործունեությունը Սահմանադրական դատարանի որոշմամբ արգելվելու դեպքում, Կուսակցության նկատմամբ սկսվում է լուծարման գործընթաց: Այդ դեպքում լուծարային հանձնաժողովի իրավասություններն իրականացնում է Վերահսկիչ-վերստուգիչ ծառայության կողմից ստեղծված հանձնաժողովը, և լուծարումից հետո Կուսակցության մնացած գույքը փոխանցվում է Հայաստանի Հանրապետությանը օրենքով սահմանված կարգով:

10.7 Կուսակցությունը կարող է դադարեցնել իր գործունեությունը լուծարման միջոցով՝ համագումարի որոշմամբ՝ օրենքով սահմանված կարգով:

